



Korfbal ta un sport cu ta origina di Hulanda. E maestro di scol Nico Broekhuijsen a inventa e wegá di korfbal na 1902. Despues cu el a bai Suecia pa un curso unda el a sera conoci cu e wegá sueco di ringbal. Pa haci e pasadá di e bale dor di e renchi mihor, visible Nico Broekhuijsen a cambia e renchi pa un macuto, un *Korf* na Hulandes.

Na Aruba Korfbal a wordo introduci dor di e fraters y surnan na scolnan catolico. Dentro di algun aña korfbal a haya un acohida serca e poblacion Arubiano. Hopi tabata e ekiponan deportivo cu a dedica na korfbal den e añanan '30 y '40.

Cu tempo e popularidad di korfbal a mengua pero na fin di añan '70 a rebiba un bes mas despues cu na 1977 a forma un team di Aruba pa hunga algun wega Amistoso entre e ekipo di Golden Finch di Boneiro y Flamingo di Corsou.

Teamnan biew di Korfbal tabata e.o. Tivoli, Caribe, Sparta (O'stad), Noord Central, Victoria, Las Estrellas, Volharding, Chesterfield, Jong Holland.

Historia di korfbal na Aruba: Entrevista cu Stefanita (Titi) Tromp-Gil



Ekipo di korfbal Noord Master, cu a wordo lanta na 1977 pa e wegá amistoso entre Aruba Corsou y Boniero na april 1977. E torneo entre Aruba Corsou y Boniero a rebiba e interes pa Korfbal na Aruba. Ekiponan cu a lanta despues tabata e.o. Volvox, Brionic, Victoria, Arukorf, Caribbean stars, Sky Lab, Santa Cruz Stars, San Nicolas Angels, Tanki Leendert.